


說文古本考

說文古本攷第四卷上

嘉興沈 濤纂

𦇧部

 低目視也从𦇧門聲弘農湖縣有閼鄉汝南西平有閼亭
濤案汗簡卷上之二引說文閼字作閼今說文無重文而正
篆之體亦不如是蓋古本有古文閼字如此作也

又案後漢書董卓傳注云說文閼今作閼流俗誤也疑古本
有重文閼篆云俗从門从受

目部

 人眼象形重童子也凡目之屬皆从目 古文目

濤案五經文字上作象重童子之形以全書通例證之古本

當如是一切經音義卷二引象形下又有目視也亦見也六
字當是庾氏演說文語

𥇑兒初生瞽者从目𥇑聲

濤案廣韻二十八獮引作兒初生蔽目者蓋古木如是今乃
二字傳寫誤合爲一

𥇑目目匡也从目此聲

濤案一切經音義卷四引皆目崖也目際也崖乃匡字之誤
元應書卷十三仍引作目匡卷二十兩引作目𥇑可證卽匡
字之俗文選西京吳都子虛等賦注引作目匡盧子諒覽古
詩注引作目𥇑可見今本不誤爾雅釋畜釋文引說文云皆

目匡也字林云皆目匡則作匡者乃字林非說文也古本當
有一日目際也五字列字湯問篇注云皆目際也正本許書
眇目旁薄緻𡵓𡵓也从目鼻聲

濤案玉篇引無薄緻𡵓𡵓四字蓋顧氏節引非古本無此四
字也爾雅訓眇爲密卽薄緻𡵓𡵓之義以本部𡵓字訓目𡵓
𡵓例之𡵓𡵓當作眇眇薄緻眇眇殆卽嫉光眇視之意楚辭
招魂靡顏賦理遺視眇些文選江賦江妃含睇而眇邈眇卽
眇之別體也韻會正作眇眇則小徐本尙不誤

𡵓平目也从目萌聲

濤案一切經音義卷十七引作平視也二字雖見三國志

傳然此字與大目出目諸訓相次應作目不作視莊子天地
釋文引字林云瞞目皆平兒正本說文元應書蓋傳寫之誤
非古本如是廣韻二十六桓亦引作平目

暉

大日出也从目軍聲

濤案一切經音義卷一引暉大出目也謂人目大而突出曰
暉蓋古本日出作出目謂字已下乃庾氏注中語玉篇亦云
大出目也當本說文可證古本不作日出

盼

詩曰美目盼兮从目分聲

濤案一切經音義卷八引盼目白黑分也蓋古本說解如此
今本但備詩而無訓解許書無此例也詩碩人傳曰盼白黑

分也正許君所本

𥇑 多白眼也从目反聲春秋傳曰鄭游盼字子明

濤案一切經音義卷一引作眼多白也以盱字目多白例之
古本當如是然多白眼爲易說卦文許君每以經解經今本
義得兩通

𥇑 出目也从目見聲

濤案一切經音義卷一引𥇑目出兒也蓋古本如是今本目
出二字誤倒又奪兒字玉篇亦云目出兒

𥇑 深目也从穴中目

濤案一切經音義卷九引作目深兒玉篇引作深目兒目深

深目義得兩通據此兩引古本蓋作兒不

瞋目無精直視也从目黨聲

濤案後漢書梁冀傳法引作目睛直視乃傳寫奪一無字又誤精爲睛非古本如是一切經音義卷一引字林去目無精直視呂正用許解也廣韻亦云瞋瞋目無精

眈暫視兒从目炎聲讀若白蓋謂之苦相似

濤案文選吳都賦海賦等注一切經音義卷一皆引作暫視也蓋古本不作兒元應書卷一卷十六卷十九引作暫見也乃見部覲字之訓卷十六又有不定也三字卷十九有亦不定也四字疑古本有一解玉篇仍引作兒義得兩通

𠄎 直視也从目必聲讀若詩云泌彼泉水

濤案詩邶風釋文云茲說文作𠄎是元明所見本引詩不作
泌字毛傳云泉水始出茲然流也則茲乃泌之假借然許君
稱詩毛氏與今本不同者甚多細釋詩語似當作視被泉水
解爲合當是鄭氏所據毛傳本與許君不同古本當無讀若
二字太徐以毛傳無直視之訓遂改𠄎爲泌而又妄增讀若
二字強爲牽合小徐本作𠄎正與釋文合而亦有讀若二字
則後人據大徐本妄加也

𠄎 張目也从目于聲一曰朝鮮謂盧童子曰𠄎

濤案列子黃帝篇釋文引𠄎仰目也蓋古本如是易豫封𠄎

豫注曰上視也漢書王莽傳盱衡厲色注曰盱衡舉眉揚目也揚目上視皆與仰目訓相合易豫卦釋文引作張目是元朗所據本與今本同倉頡列子釋文引字林文選西京賦引皆有張目之訓則義亦得兩通也


又案本部睢仰目也莊子寓言篇言睢睢盱盱固當同訓爲仰目

盱視而止也从目盱聲

海案廣韻二十八獮引作視而不止蓋古本有不字今奪玉篇引同今本疑後人據今本改

睽从睽也从目票聲

濤案文選魯靈光殿賦注引作睽也乃字形相近而誤非古本如是

睽目不相聽也从目癸聲

濤案易睽卦釋文一切經音義卷一皆引睽目不相視也蓋古本如是目宜言視不宜言聽今本乃誤字之顯然者有元朗元應書可證更無庸曲爲之說廣韻十二齊引睽目少精玉篇亦曰目少精是古本尙有一曰目少精也六字

眊目財視也从目辰聲

濤案廣韻二十一麥引作目眊視也蓋古本如是今本作財義不可通說詳見部

目 失意視也从目條聲

濤案文選魏都賦瞻焉失所注引說文曰瞻失意視也是古本作瞻不作瞻矣條條皆从攸聲二字每多相亂然據選注則此字从條不从脩也大徐音他厯反亦以从條得聲爲近也韻會亦引作瞻云从目條聲是小徐本尙不誤

睎 仰目也从目佳聲

濤案一切經音義卷十二引作仰目兒也蓋古本多一兒字今奪

目 目搖也从目勻省聲𥇑𥇑或从𥇑

濤案一切經音義卷十八云𥇑動古文𥇑同而倫反說文目

搖動也

辟支佛因緣論上卷

據元應所見本睨眴爲一字今本分二字

睨訓目動眴訓目搖而又分爲二音睨音如勻切眴音黃絢

切皆誤又元應書卷二十引睨目搖也乃傳寫奪一動字

又案音義卷十二云瞬動古文旬同說文云目搖動也

雜寶藏經

經第一卷亦有動字

眊目順也从目耑聲一曰敬和也耑古文眊

濤案汗簡卷上之上耑眊是古本古文篆體如此今本微誤

相

省視也从目从木易曰地可觀者莫可觀於木詩曰相鼠

有皮

濤案五行大義辨體性引許慎云地上之可觀者莫過於木

故相字目旁木也此蕭氏槩括其詞非古本原文如是

𠄎目疾視也从目易聲

濤案文選吳都賦注引𠄎疾視也是古本無目字本部曠大視也瞻臨視也𠄎小視也啟省視也皆無目字則此亦不當有目字以此例之上文𠄎目孰視也目字亦衍一切經音義卷一引亦有目字疑後人據今本改

𠄎迎視也从目是聲讀若珥璵之璵

濤案文選東都賦注引𠄎視也蓋古本如是詩小雅題彼脊令傳云題視也題卽𠄎字之假借許書正用毛傳可證古本無迎字

睂顧也从目失聲詩曰乃眷西顧

濤案書大禹謨皇天眷命僞孔傳曰眷視正義曰說文亦以眷爲視蓋古本不作顧今本涉傳詩語而誤玉篇引同今本疑後人據今本改

睂望也从目稀省聲海岱之間謂眇曰睂

濤案一切經音義卷三引作海岱之間謂睂蓋傳寫奪眇曰二字

睂目也从目冥冥亦聲

濤案一切經音義卷十二卷二十三引作目翕也義可兩通卷二十一引作翕也乃傳寫奪一目字

生目目病生翳也从目生聲

壽案一切經音義二十四云瞽目一計反韻集云目障病也說文作瞽目病生翳也或謂古本目部有瞽字矣然音義卷一云瞽目韻集作瞽同於計反目病也說文目病生翳也並作翳韻集作瞽近字也卷十三卷十八皆引說文目病生翳也或云又作瞽或云韻集作瞽是元應明以瞽爲俗字二十四卷作瞽乃作翳之誤莊大令所乃云說文無瞽此引不知所本亦太孟浪矣本部瞽又目翳也字皆作翳

目過目也又目翳也从目敝聲一日財見也

壽案文選潘安仁河陽縣作詩注引無財字乃傳寫偶奪非

古本如是

眇目傷皆也从目多聲一曰瞞兜

壽案一切經音義卷九卷十八卷二十卷二十五引作瞞兜
眇也則今本作瞞者誤眇訓瞞兜則瞞兜卽眇眇字係傳寫
誤衍

瞞目眇也从目蔑省聲

壽案一切經音義卷九卷十八卷二十卷二十一皆引瞞兜
眇也卷二十五引瞞兜眇蓋古本目字作兜瞞兜二字連讀
上文眇一曰瞞兜亦瞞兜之誤眇訓瞞兜瞞兜訓眇正許書
互訓之例二徐不知許書篆文連注讀以兜眇二字爲不詞

而改之妄矣

眊戴目也从目閒聲江淮之間謂視曰眊

濤案一切經音義卷十四引作戴眼而爾雅釋畜釋文文選七命注引同今本戴眼二字見素問義得兩通

眊目不正也从目兆聲

濤案一切經音義卷七引眊視也亦望也察也蓋古本眊有三義望察乃一日以下之文古無以眊爲目不正者今本之誤顯然

又案文選思元賦舊注云眊視也漢書禮樂志注引應劭曰眺望也禮記月令可以遠眺望皆無不正之義潘岳射雉賦

邪眺旁剔注曰視瞻不正常驚惕也乃崇賢以視瞻釋眺以不正釋邪若眺卽爲目不正賦詞又何必更著邪字耶

眊 目童子不正也从目來聲

濤案御覽七百四十疾病部一切經音義卷八引無目字乃傳寫偶奪元應書他卷所引皆有目字可證

矇 童蒙也从目蒙聲一曰目不明也

濤案後漢書竇融傳注引有眸子而無見曰矇蓋古本如是詩傳云有眸子而無見曰矇許君正用毛義也童蒙乃彖字之一訓見華蔚經音義二徐刪後而妄竄于此

眇 一目小也从目从少少亦聲

濤案易履卦釋文引作小目蓋古本作目小也無一字元朗
書傳寫誤倒耳釋名釋疾病云目匡陷急曰眇眇小也方言
廣雅皆訓眇爲小莊周書亦云眇乎小哉眇字从少得聲故
義取乎小他傳注或訓爲細或訓爲微皆與小義相成不得
專指一目然一切經音義卷一卷六及玉篇引同今本御覽
七百四十疾病部亦同是古本亦有如是作者

𥇑目小也从目坐聲

濤案玉篇引作小目也義得兩通

𥇑目小視也从目弟聲南楚謂眇曰𥇑

濤案詩小宛正義引作小衰視也蓋古本如是小徐本同玉

篇此篆作𦣻不作睇廣韻則𦣻字在六脂睇字在十二齊及
十二霽易明夷夷于左股釋文云子夏作睇鄭陸同云旁視
曰睇京作𦣻則睇𦣻本二字禮記內則不敢睇視注云睇傾
視也傾視卽表視之意竊意說文二字皆有訓小表視者爲
睇訓曰小視者爲𦣻後爲二徐所刪并遂有睇無𦣻與篇韻
皆不合矣

𦣻

開闔目數搖也从日寅聲

濤案一切經音義卷二卷十五

閤作合

引作目開闔數搖也卷

三卷十八卷二十五引作目開閉數搖也華嚴經音義上引
謂目開閉數搖也開闔開閉義得兩通謂字乃慧苑引書時

所足據此數引則古本目字在開字之上今本傳寫誤倒耳
文選文賦注引同今本乃後人據今本改謝惠連詠牛女詩
注引開闔目也更屬傳寫奪誤矣選注皆作瞬乃別體字

補
瞬

濤案一切經音義卷八引瞬仰目出也是古本有瞬篆方言
曰半盲曰瞬

眉部

𦉰 視也从眉省从中當古文从少从囧

濤案汗簡卷上之二省省見說文是古本古文篆體从古文
目非从囧也

盾部

盾

版也所以扞身蔽目象形凡盾之屬皆从盾

濤案御覽三百五十六兵部引象形下有聲也二字小徐本作厂聲則御覽聲字上當奪厂字影宋本北堂書鈔亦作厂聲又玉篇引蔽目下有也字則御覽也字當在象字之上蓋古本有此字令奪

鼻部

𦘒

臥息也从鼻干聲讀若汗

濤案一切經音義卷十一卷十四卷十五卷十七卷十九皆引𦘒臥息聲也蓋古本如此今本奪聲字下文隸臥息也蓋

𦣻爲臥息𦣻爲臥息聲二字微有別今人猶言睡𦣻聲

𦣻病寒鼻塞也从鼻九聲


濤案廣韻十八尤引無病字而禮記月令釋文及玉篇引皆有此字蓋廣韻傳寫偶奪耳非陸氏所據本如是塞篇韻皆引作塞義得兩通

又案龍龜手鑑引作寒病也乃傳寫誤奪誤到非古本如是習部


習白數飛也从羽从白凡習之屬皆从習


濤案文選左太沖詠史詩注引習習數飛也蓋古本如是許書之例以篆文連注讀二徐疑爲複衍而刪之

羽部

 天雞赤羽也从羽軌聲逸周書曰文翰若翬雉一名鷩風
周成王時蜀人獻之


濤案文選長楊賦注引毛長者曰翰以下文翟山雉尾長者
例之疑今本赤羽也三字爲毛長者之誤桂大令曰此文當
在赤羽也之下御覽九百十 羽族部引亦無赤羽二字

 赤羽雀也出鬱林从羽非聲

 青羽雀也出鬱林从羽卒聲

濤案藝文類聚九十二鳥部引翬赤雀翠青雀也周書曰成
王時蒼梧獻翬翠御覽九百二十四羽族部引翬翠青赤雀

也止觀輔行傳四之三引赤雀形如大鷲翅羽碧色皆與今本不同蓋翡翠本一鳥單言之則爲翠爾雅釋鳥云翠鵠郭注曰似燕紺色出鬱林張揖上林賦注雄赤曰翡雌青曰翠乃析言之許君云翡翠青赤雀乃渾言之類聚翡翠分解蓋傳寫據今本改耳古本當作翡翠青赤雀也形如大燕翅羽碧色出鬱林翠翡也周書曰成王時蒼梧獻翡翠乃合全書通例今本蓋二徐妄改

尾長毛也从羽堯聲

濤案文選射雉賦注引翹尾之長毛也是古本有之字今奪翹飛舉也从羽者聲

濤案一切經音義卷七引騫翥飛舉也今本騫爲馬腹繫而
騫亦云飛兒蓋元應書騫字涉標舉而衍非古本不同也

翥起也从羽合聲

濤案文選思元賦注引翥熾也是古本有一曰熾也四字今

奪

翥疾飛也从羽扇聲

濤案文選王仲宣贈文叔良詩注引翩翩疾飛兒蓋古本如
是此正與習習同例皆爲二徐妄刪又改兒爲也亦誤

翥飛聲也从羽歲聲詩曰鳳皇于飛翥翥其羽

濤案詩卷阿釋文引作羽聲也蓋古本如是釋文又引字林

云飛聲也。列今本乃據字林改耳。詩鄭箋玉篇皆云羽聲正與許合。

隹部

隹鳥之短尾總名也。象形。凡隹之屬皆从隹。

濤案廣韻六脂引鳥之短尾者總名左氏襄二年正義引鳥之短尾者總名爲隹。蓋古本有者字。今奪。

𪚩楚鳥也。一名鷦。一名卑居。秦謂之雅。从隹牙聲。

濤案秦謂之雅。爾雅釋鳥釋文引作秦云雅鳥。乃元朗槩括其詞。非古本如是。詩小弁釋文引同。今本可證。

𪚩周燕也。从隹。𠂔象其冠也。商聲。一曰蜀王望帝姪其相妻。

慙亾去爲子鸛鳥故蜀人聞子鸛鳴皆起云望帝

濤案爾雅釋鳥釋文引末句作皆起曰是望帝也蓋古本如是今本奪是也二字詞氣不完

雉 鳥也从隹犬聲雉陽有雉水

濤案廣韻十三佳引作鳥名以木部雄雉諸字例之古本當作也不當作名廣韻又云又水名在雉陽亦隸括之詞非古本如是也

雉 雄雌鳴也雷始動雉鳴而雉其頸从隹从句句亦聲

濤案書高宗彤日正義詩小弁正義皆引作雄雉鳴也文選長笛賦注引雄雉之鳴爲雉一切經音義卷十引雄雉鳴爲

𪚩蓋古本如是今本雌字誤小徐本作雌雉鳴也更誤書正義作雉乃鳴而雉其頸今本亦奪乃字

雞知時畜也从隹奚聲雞籀文雞从鳥

濤案廣韻十二齊引下有易曰巽爲雞五字疑許書本有得易語而今本刪之

鸛鵒也从隹周聲鵒籀文雕从鳥

濤案史記李將軍傳索隱引雕似鸛黑色多子一名鸛與今本不同黑色多子乃鸛字之解且旣云似鸛矣又云一名鸛恐傳寫有誤惟御覽九百一十六羽族部引鸛字解有一曰雕三字則雕鸛實一物玉篇亦云雕鸛也

屮九屮農桑候鳥屮民不姪者也从佳戶聲春屮鵲眉夏屮
鷦鷯秋屮鷽藍冬屮鷽黃棘屮鷽丹行屮鷽喈喈宵屮鷽嘖嘖桑屮
鷽脂老屮鷽也鷽屮或从雥鷽籀文屮从鳥

濤案廣韻十姥引鷽作鷽蓋古本如是許書無鷽字今本作
鷽誤御覽九百二十一羽族部引屬鷽也从鳥戶聲蓋本籀
文

又案爾雅釋鳥釋文云說文作屮籀文也桂大令曰籀文上
脫屬字蓋言說文篆文作屮爾雅作屬籀文也

鷽 離屬从佳禽聲籀文離从鳥

濤案御覽九百二十四羽族部引鷽鷽屬也一曰牟母一曰

鴛是古本有一日以下七字矣然本部鴛牟母也雖鴛屬則以鴛鴦爲一種而鴛別爲一種爾雅釋鳥雖無鴛而有鴛又有鴛則鴛之與鴛非一物夏小正傳訓鴛爲鴛即鴛字淮南之俗時則訓注訓鴛爲鴛李巡爾雅注又鴛鴦一名牟母禮記正義引是古皆以鴛鴦爲一物則一日以下七字當是庾氏注中語非許君原文

又案一切經音義卷十五列子夫瑞釋文皆引鴛鴦也當是傳寫奪一屬字

鴛鴦覆鳥今不飛走也从网佳讀若到

濤案不飛走廣韻三十六效引作不得飛走蓋古本如是今

本奪得字玉篇引有得字又有走字

雀部

雀鳥張毛羽自奮也从大从隹凡雀之屬皆从雀讀若唯

濤案廣韻六脂引奮下有雀字蓋古本如是玉篇亦云鳥張羽自奮雀也奮雀二字連文當是古語一徐不知而妄刪之矣

雀部

雀小爵也从雀卽聲詩曰雀鳴于垤

濤案後漢書班固傳注引鸛鸛雀也御覽九百二十五羽族部引鸛雀也蓋古本作雀雀爵也今本小字誤陸璣詩疏以

爲爲似鴻而大其非小爵可知御覽引此在鸛雀條後漢書
楊震傳列仙木羽傳皆以鸛雀連文蓋此鳥本名鵲俗呼爲
鵲爵故許以此釋之御覽所引奪一鸛字卽鵲之俗體

𠂔部

𠂔相當也闕讀若𠂔

濤案廣韻二仙引相當也下有今人賭物相折謂之𠂔疑古
本有此九字然許書無賭字玉篇云賭物相當亦無𠂔字當
从闕疑

𠂔部

𠂔目不明也从𠂔从𠂔數搖也

濤案支選月賦味道懜學注引說文曰懜目不明也
字之別體非古本有此字也江文通雜體詩注引奪目字而
字亦誤作懜瞿文學樹寶曰江詩注疑心部懜字之別

羊部

羊祥也从𦍋象頭角足尾之形孔子曰牛羊之字以形舉也
凡羊之屬皆从羊

濤案類聚九十四獸部御覽九百二獸部皆引作象四足角
尾之形五經文字作象四足尾之形古本當如張司業所引
蓋羊字从𦍋𦍋爲羊角旣曰从𦍋已象頭角矣又云象四足
尾之形專指下半體而言類聚諸書傳寫多一角字乃淺人

所增今本更誤

又案初學記二十九獸部引羊祥也古祥詳二字通用易履上九視履考祥釋文云本亦作詳書呂刑告爾祥刑後漢書劉愷傳引作詳初學記御覽獸部引春秋說題辭云羊者詳也許書率本緯文古人皆以羊爲祥字無煩更訓爲祥似當作詳爲是

𦍋 羊鳴也从羊象聲气上出與𦍋同意

濤案五經文字卷上引作𦍋蓋古本篆法如是

又案一切經音義卷十五咩咩說文羊呼也類聚獸部亦引作咩疑古本有重文

𦍋小羊也从羊大聲讀若達𦍋𦍋或省

濤案初學記二十九引𦍋七月生羔也上文𦍋五月生羔
𦍋六月生羔例之古本當如是藝文類聚九十四獸部御覽
九百二獸部皆引作七月生羊也羊乃羔字之誤詩生民釋
文正義皆引同今本是古本亦有如是作者或陸孔櫟括其
詞後人卽據以改許書耳

𦍋𦍋羊也从羊分聲

濤案初學記二十九御覽九百二獸部皆引作𦍋羊也蓋古
本如是爾雅釋畜云羊𦍋𦍋正許君所本今本作𦍋誤

𦍋𦍋羊也从羊𦍋聲

濤案初學記二十九御覽九百二獸部皆引作牝羊也蓋古本如是爾雅釋畜羊牝牝角部觥牝牝羊生角者也詩荇之華傳云牝羊牝羊也一切經音義卷十四引字林云牝牝羊也是古無以牝爲牡羊者

𦍋夏羊牝曰羖从羊殳聲

濤案廣韻十姥引作夏羊牡曰羖蓋古本如是小徐本宋小字本類篇韻會所引皆同可見毛本之誤上文羖字解云夏羊牡曰羖牡當作牝爾雅釋畜云夏羊牡羖牝羖乃傳寫羖殺二字互易列子天瑞篇云老羖之爲獐也張堪注云羖牝羊也顏師古急就篇注云羖夏羊之牝也羖夏羊之牡也是

其所見說文本尙不誤左氏僖公四年年傳攘公之羴杜注
曰羴美也牝羊美於牡者羴爲牝羊則羴爲牡羊馬水部瑞辰
曰下篆羯羊牯也一切經音義引三蒼羴夏羊羴羴也亦羯
也必牡乃可爲牯其說甚確

羴瘦也从羊羴聲

濤案御覽三百八十六人事部引作羴也蓋古本如是三百
七十八人事部引作委也乃羴字之誤嚴孝廉以爲委羴皆
羴字之誤恐非羴爲羊相羴非此之用

羴羊名羴皮可以割黍从羊此聲

濤案廣韻五支引黍作黍蓋古本如是然割黍與割黍義皆

未聞難以貳定姑从闕疑

𦍋西戎从羊人也从人从羊羊亦聲南方蠻閩从虫北方狄从犬東方貉从豸西方𦍋从羊此六種也西南獫狁人僬僥从人蓋在坤地頗有順理之性唯東夷从大大人也夷俗仁仁者壽有君子不死之國孔子曰道不行欲之九夷乘桴浮于海有以也參古文𦍋如此

濤案書牧誓釋文史記匈奴傳索隱大宛傳正義御覽八百三十三資產部廣韻十陽皆引作西戎牧羊人也蓋古本如是今本作从誤小徐本及宋小字本尙作牧不作从也又御覽七百九十二四夷部又引作西貊𦍋戎牧羊人是古本亦

有多媿羌二字者毛本从羊字斷不通

又案御覽七百九十二四夷部从人从羊作从人牧羊此正如伐字从人持戈尤字从人出日之例今本蓋淺人所改

瞿部

瞿鷹隼之視也从佳从目目亦聲凡瞿之屬皆从瞿讀若章句之句

瞿佳欲逸走也从又持之瞿瞿也讀若詩云穰彼淮夷之穰一日視遽兒


瀋案史記吳王濞傳索隱引瞿遠視兒與今本不同又云音九縛反則作瞿而非瞿也遠視亦當从今本作視遽乃小司

司書傳寫有誤非古本如是後漢班固傳引作視遽之兒亦作視遽不作遠視可證

又案詩泮水釋文云愾說文作愾則此穢字乃愾字之誤古本當作讀若詩云愾彼淮夷之愾視遽兒文選東都賦注引作驚視兒恐傳寫之誤矚遽同聲作視遽爲是

又案龍龕手鑑引矚欲走也乃傳寫有奪

鳥部

長尾禽總名也象形鳥之足似匕从匕凡鳥之屬皆从鳥
濤案爾雅釋鳥釋文引作短尾羽眾禽總名也短乃長字傳寫之誤蓋古本有羽眾二字今奪

鳳神鳥也天老曰鳳之象也鴻前鸞後蛇頸魚尾鸛鵒思
龍文龜背燕領鷄喙五色備舉出於東方君子之國翺翔四海
之外過崑崙飲砥柱灌羽弱水莫宿風穴見則天下大安寧从
鳥凡聲屬古文鳳象形鳳飛羣鳥从以萬數故以爲朋黨字隸
亦古文鳳


清案爾雅釋鳥釋文詩大雅卷阿正義初學記三十鳥部御
覽九百十五羽族部鴻前鸞後皆引作麟前鹿後無鸛鵒思
思四字蓋古本如此鴻前麟後見韓詩外傳及說苑等書義
亦可通而鸛鵒鸛思四字他書罕見左氏莊二十二年傳正
義引亦有此四字則唐時本已有之段先生謂所據非善本

耳鶯思思字不可解疑翼字之誤御覽燕頤作鸞額亦恐傳
寫之誤風穴左傳二十二年正義御覽皆引作丹穴初學記
部作丹宮乃丹穴之誤案爾雅釋地有丹穴山海南山經
丹穴之山有鳥焉名曰鳳皇則今本作風穴者誤御覽地部
引仍作風穴乃後人據今本改

又案莊子逍遙遊釋文引云朋及鵬皆古文鳳字也朋鳥象
形鳳飛羣鳥從以萬數故以鵬爲朋黨字乃元朗槩括其詞
非古本字

又案鳳飛羣鳥從以萬數左氏傳正義引作鳳飛則羣鳥從
之以萬數

又案汗簡卷上之二鳳見說文是古本篆體如口今本微誤

亦神靈之精也赤色五采雞形鳴中五音頌聲作則至从鳥絲聲周成王時氏羌獻鸞鳥

濤案藝文類聚九十九祥瑞部御覽九百十六羽族部引亦作赤蓋古本如是廣韻玉璫引孫氏瑞應圖曰鸞赤神之精也正本許書則今本作亦者誤獻鸞鳥類聚引作獻焉御覽引周下有書字此出周書王會解蓋古本作周書曰成王時氏羌獻鸞鳥今本誤奪書曰二字

鸚鵡也五方神鳥也東方發明南方焦明西方鸚鵡北方

幽昌中央鳳皇从鳥肅聲司馬相如說从鳥寗聲

濤案後漢書五行志注引神鳥下無也字方字央字下各有
曰字蓋古本如此今本誤衍誤奪


隹 祝鳩也从鳥隹聲隹隹或从佳一一曰鶉字

濤案六書故云唐本曰隹从鳥从隹隹从佳从凡省李陽冰
曰隹凡省聲據此則古本隹隹爲二字非一字隹从隹不从
佳隹从凡省不从一詩采芑正義引說文曰隹鷖鳥也則古
本隹訓鷖鳥不爲隹之重文玉篇隹在鳥部隹在佳部古本
說文當如是今本爲二徐所竄改遂致字形義訓俱與經典
不合玉篇隹字注云或作隹隹字注云祝鳩也蓋亦宋以後


也鷺野鴨名也正本許書可見鷺爲野鳧二徐見郭氏解鷺爲鴨疑鷺不得爲野鳧遂據爾雅以改說文妄矣

鷺 鷺屬从鳥契聲

濤案支選南都賦注引鷺作鷺當是傳寫有誤非古本如是本部鷺缺鷺也正作鷺不作鷺

鷺 知天將雨鳥也从鳥喬聲禮記曰知天文者冠鵲鵲或从遙


濤案止觀輔行傳五之四引水鳥能知天雨蓋古本作水鳥能知天雨者也今本義得雨通

鷺 鷺也 从鳥盧聲

濤案一切經音義卷二十引鷓鴣水鳥也蓋古本如是今本奪水鳥二字又單舉一鷓字皆誤許君以水鳥釋鷓鴣以鷓鴣釋鷓全書通例皆如此玉篇亦云鷓鴣水鳥當本許書

 鷓鴣也从鳥交聲一曰鷓鴣也

濤案一切經音義卷十三引鷓鴣也下有羣飛尾如雅鷓鴣呼食之治風也是古本尙有此十三字今本奪鷓鴣呼三字疑當作嗚呼如鷓鴣文類聚 鳥部引鷓鴣鴉也下文鴉鷓鴣也正互訓之例是今尙奪鴉字複衍鷓字

 鷓鴣也从鳥开聲

濤案御覽九百二十五羽族部引鷓鴣鴉也一曰鷓鴣許書

無鵠字上文駁字解一曰駁驢則鸚乃驢字之設蓋兩条并引非古本此語在鵠字解中也

鵠白鵠王雉也从鳥厥聲

薄案御覽九百二十六羽族部引王雉作玉雕蓋古本如是御覽又引廣雅曰白鵠鵠也古今注曰似鷹而尾上白亦號爲印尾鵠則鵠乃鵠類不得爲王雉爾雅雉雄自名王雉鷩自名白鵠明非一鳥王雉玉雕蓋形近而誤爾雅釋鳥釋文引同今本當由後人據二徐本改

鵠專畜蹂如鵠短尾射之銜矢射人从鳥瞿聲

薄案廣韻二十五寒鵠說文爾雅並作鵠鵠二十六桓鵠說

文爾雅並云鷦鷯蓋古本有鷽篆解當云鷽鷽鷽也此解專字當作鷽不重鷽字

鷽鷽飛兒从鳥穴聲詩曰鷽彼晨風

濤案詩晨風釋文鷽引說文作鷽是古本篆體作鷽不與今毛詩同又鷽飛作疾飛亦古本如是凡鳥之疾飛皆爲鷽不必晨風也詩傳正訓疾飛乃許君所本

鷽鷽鷽鷽也从鳥爰聲

鷽鷽鷽鷽也从鳥義聲秦漢之初侍中冠鷽鷽冠

濤案廣韻二十二稗鷽說文曰鷽也漢初侍中服鷽鷽冠蓋古本上冠字作服亦無秦之二字今本誤衍宋小字本亦無

秦之二字而服字亦誤作冠觀廣韻所引漢初句當在駿字解下今本在驥字解下亦誤

又案史記司馬相如傳佞幸傳索隱皆引駿驥驚鳥也鳥字恐屬誤衍非古本如是

鳥似鵲而青出羌中从鳥介聲

壽案顏氏家訓勉學篇竇如同從河州來得一青鳥舉俗呼之爲鵲吾曰鵲出上黨數處見之色並黃黑無駁雜也試檢說文鵲雀似鵲而青出羌中韻集音分此疑頓釋漢書黃霸傳注亦云鵲雀大而色青出中玉篇鵲扶云切鵲雀似鵲蓋古本作鵲不作鵲作分聲不作介聲困學紀聞云黃霸傳鵲

雀顏氏注當爲鴝徐楚金攷說文當爲鴝鴝鴝字形相近楚金蓋據誤本說文改鴝爲鴝輒音拜切顏黃門所據爲六朝之本師古承其家學以注漢書是唐以前本皆不作鴝也至玉篇別出鴝字當是宋人見二徐說文而妄增之非顧氏原文然亦云鳥名而不云似鴝之雀則知鴝字之注爲希馮原本也乃廬學士竟據今本說文以改顏氏之書鴝字分字皆爲鴝字介字古書因誤而校校而益誤者大卒如此

又案鳥字顏黃門所引作雀字蓋鴝雀二字連文漢注玉篇皆作雀不作鳥足證今本之誤

 鴝能言鳥也从鳥嬰聲

 鸛也。从鳥母聲。

濤案初學記鳥部御覽九百羽族部引作鸛。鸛乃用當時通用字。非古本如是。禮曲禮本作嬰母。卽鸛。鸛之省。釋文云。嬰本或作鸛。母本或作鸛。諸葛茂后及三國志注引江表傳有鳥名鸛。母未聞。鸛父之語可見。三國時作鸛。不作鸛。至狄仁傑對武后言。鸛者陛下之姓。則唐時作鸛。不作鸛矣。鸛乃六朝後起之字。五經文字云。鸛。鸛音武。又作鸛。見禮記可見。字書不作鸛矣。

 走鳴。長尾雉也。乘輿以爲防鉉。著馬頭上。从鳥喬聲。

濤案詩車牽正義引作鸛。長尾雉走鳴。乘輿尾爲防鉉。著馬

頭上蓋古木如是今本傳寫誤倒又誤尾爲以皆非也

鳥部

孝鳥也象形孔子曰鳥旡呼也取其助氣故以爲鳥呼凡鳥之屬皆从鳥辨古文鳥象形於象古文鳥省

濤案御覽九百二十羽族部廣韻十一模皆引作孝鳥也是今本鳥字誤孝鳥卽慈鳥古慈孝通稱前漢志王莽改鳥傷縣爲孝鳥古稱鳥爲孝鳥可證


又案龍龜手鑑云說文及玉篇切韻皆云三點象日中三足鳥也此蓋言鳥字義又如象日中云云乃下文焉字注

又案初學記三十鳥部引孝鳥也下奪象形二字旡乎作嘔

呼鳥呼下有鳥爲日中之禽故爲象形也十一字鳥爲日中
云云見下文焉字解中嘔呼疑當作偃呼春秋元命包云鳥
者陽精其言僂呼俗人見僂呼似鳥故以名之五行大義論
七政引初學
記鳥部御覽羽族部引
鳥者陽精其僂呼也
緯書今本盱字衍

 𪗇 龍也象形龔篆文鳥从佳昔

濤案初學記三十鳥部引篆文从佳昔聲是古本有聲字今
奪

 焉鳥黃色出於江淮象形凡字朋者羽蟲之長鳥者日中
之禽焉者知太歲之所在燕者請子之候作巢避戊巳所貴

故皆象形焉亦是也

濤案廣韻二仙焉字注引作鳥黃色出江淮間蓋古本如是
許書之例篆文連注讀訓解中不得複舉焉字藝文類聚九
十二鳥部引鸞布翅枝尾作巢避戊巳布翅支尾乃本書燕
字之注歐陽書蓋合二注引之非古本此間有此四字也
又案龍龕手鑑引所在下尙有巢常背之一名乾鵲八字

說文古本攷第四卷下

嘉興沈壽簑

華部

畢 田岡也从革象畢形微也或曰由聲

濤案御覽八百三十二資產部引畢岡也畢卽畢字之別體是古本無田字

幺部

𠂇 小也象子初生之形凡幺之屬皆从幺

濤案六書故引蜀本曰𠂇也重𠂇爲幺幺象形曰昧也亦象子初成之形以養正也又曰林罕引說文與蜀本同則古本與二徐本大異矣幺訓爲𠂇蓋卽隱微之意而重𠂇爲幺其

義甚精此蓋象形兼會意字文選支賦注引同今本疑小乃
幺字之一解

𠂇 少也从幺从力

濤案御覽三百八十四人事部引幼小也少小義得兩通

𠂇部

𠂇 微也从二幺凡𠂇之屬皆从𠂇

濤案六書故引蜀本曰隱微意也从重幺者微之至也本部
幽訓爲隱幾訓爲微則𠂇實兼隱微之意其義亦較今本爲
備

幺部

補
旅

濤案左氏僖二十八年傳正義引說文彤从丹旅从玄是古
本有旅字大徐以爲新附且云義當用黽誤矣詩彤弓箋彤
弓旅矢釋文云旅本或作旅字誤左傳釋文亦云旅本或作
旅非也是元明所見說文亦有旅字

予部

予 推予也象相予之形凡予之屬皆从予

濤案匡謬正俗三引予相推予也是古本有相字以本部幻
相詐惑也例之則有相字者是今本乃二徐妄刪玉篇引作
推予前人也更誤

舒 伸也从舍从予予亦聲一曰舒緩也

濤案文選七命注引伸作申蓋古本如是

𢇛 相詐惑也从反予

濤案御覽

方術部引無惑字乃傳寫偶奪非古本無之

受部

𠂔 物落上下相付也从瓜从又凡受之屬皆从受讀若詩標有梅

濤案五經文字曰受象物落上下相付持之形蓋古本如是
九經字樣曰𠂔從受受上下相扶也付持扶持義得兩通而
總不知今本之不可通

爭引也从攴

濤案一切經音義卷二十四引諍謂彼此競引物也諍乃爭字之誤此蓋庾氏注中語以釋爭之訓引非古本如是

𠂔所依據也从攴工讀與隱同

濤案一切經音義卷九引作有所據也蓋古本如是今本義不可通

𠂔部

𠂔坑也从𠂔井井亦聲

濤案華嚴經音義下云𠂔籀文𠂔字則古本此字爲井部𠂔字重文二徐誤竄於此

𣎵

深明也通也从収从目从谷省𣎵古文𣎵𣎵籀文𣎵从土

濤案一切經音義二十三云𣎵字从収取穿通義谷取響應
不窮目取明識意疑是說文注中語

步部

𣎵

𣎵也从步昏聲

濤案莊子達生篇釋文引作矜也當是𣎵字傳寫之誤𣎵卽
𣎵字之省也

𣎵

死也从步朱聲漢令曰蠻夷長有罪當殊之

濤案左氏昭二十三年傳釋文引死也下有一曰斷也四字
蓋古本如是今奪廣雅釋詁殊斷也正本許書古以斬刑爲

殊死亦謂斷頭

𣦵 胎敗也从步盍聲

濤案一切經音義卷七卷十二卷十三皆引作暴無知也若古本如是今本涉上文殯字之訓而誤

𣦵 道中死人人所覆也从步董聲詩曰行有死人尙或燼之濤案左氏昭三年傳釋文引死人作死者蓋古本如是詩小弁釋文引同今本義亦得兩通

𣦵 爛也从步貴聲

濤案一切經音義卷十七引殯漏也謂決潰癰瘡也蓋古本作漏不作爛謂字以下當是庾氏注語

𦵏 咎也从少央聲

濤案易坤釋文引作凶也蓋古本如是張揖廣雅高誘呂覽注皆訓殃爲咎然許君不必同也凶謂凶禍更重于咎

𦵏 𦵏盡也从少單聲

濤案文選赭白馬賦注引𦵏盡也非傳寫奪字卽崇賢節引古本當有此字惟𦵏字亦誤當从宋本作極上文熾微盡也此云極盡義正相成爾雅釋文引字林亦云極盡也 呂

氏蓋本許書

𦵏 脂膏久殫也从少直聲

濤案國語舊音引作脂膏久也蓋古本如是許君以脂膏久

釋殖字說解中不得更有此字

死部

𣦵公侯𣦵也从死瞢省聲

濤案廣韻十七登引𣦵作卒蓋古本如是步部大夫死曰𣦵
經典皆假卒字用之許書說解中每用通假字不必盡用也
字也

𣦵戰見血曰傷亂或爲惛而復生爲歿从死次聲

濤案玉篇引無亂字蓋傳寫偶奪非古本如是亂或猶言亂
惑或惑古今字

骨部

骨肉之屬也从骨有肉凡骨之屬皆从骨

濤案御覽三百七十五人事部引骨體之質也肉之核也是
古本有體之質也四字今奪核當作覈覈核古今字

髑髏髑髏頂也从骨蜀聲

濤案御覽三百七十四人事部引髑髏頂也蓋古本不重髑
字二徐不知篆文連解之例故妄增髑字

膊肩甲也从骨專聲

濤案御覽三百六十九人事部引作膊肩胛也膊胛皆俗體
字靈樞經亦作肩胛

髀并脅也从骨并聲晉文公髀脅

濤案左氏傳二十三年釋文引作脅并也脅并并脅義得兩
通正義引作脅并幹也廣雅釋■幹謂之肋韋昭晉語注云
餅并幹也是古本亦有作并幹者孔陸所據本不同後人見
釋文作脅并遂于正義添一脅字妄矣

 股也从骨卑聲踈古文髀

濤案爾雅釋畜釋文文選七命注一切經音義卷三卷十二
卷十四卷十九卷二十四御覽三百七十二人事部皆引髀
股外也音義十二十九皆引股外曰髀是古本股下有外字今本奪段先生
曰股外曰髀髀外曰髓肉部曰股髀也渾言之此曰髀股外
也析言之

肉部


胎 婦孕三月也从肉台聲

濤案一切經音義卷七卷十三皆引作二月爲胎是古本不作三月淮南精神訓作二月而胎三月而胎四月而胎文子九守篇作二月而脉三月而脉四月而胎皆不相同後人習見三月爲胎之語遂據鴻烈以改許書誤也

𠂔 心上𠂔下也从肉亡聲春秋傳曰病在𠂔之下


濤案左氏成十年傳釋文引心下𠂔上也後漢書鄭元傳注引作𠂔隔也隔乃𠂔字之誤皆與今本不同左傳杜注𠂔隔也 引賈逵注亦云𠂔隔也則是𠂔本訓𠂔不應云在𠂔

上章懷所據似較元明爲長又賈杜傳注心下爲膏則育亦不得云在心下又御覽三百七十一人事部引育心下膈也在膈条下膈卽鬲字之俗體今本夕部云何膺也正與膺字解爲互訓疑所引卽育字之解傳寫誤育爲曾古本蓋云心上鬲也與賈杜注合章懷注係節引今本衍下字左釋文又下上互倒耳

金藏也从肉市聲

濤案一切經音義卷四卷二十皆引作火藏也蓋古本如此段先生曰當云火藏也博士說以爲金藏下文脾下當云木藏也博士說以爲土藏肝下當云金藏也博士說以爲木藏

乃與心字下土藏也博士說以爲火藏一例元應所據當是完本但未引一日金藏耳

勝光也从肉孚聲

濤案一切經音義卷三卷十一引勝作旁蓋古本如是古旁光字止作旁見素問諸書勝訓爲脅非此所用今本依俗作勝誤又元應書卷十五引作勝肱皆俗字也

膏肥也从肉高聲

濤案後漢書鄭元傳注引心下爲膏蓋古本之一解今本奪去耳左傳賈杜皆云心下爲膏與許解正合

肪肥也从肉方聲

濤案一切經音義卷十六引肪肥也脂也是古本有一曰脂也四字今奪

𠂔 胷肉也从肉乙聲𦞙𦞙或从意

濤案文選登樓賦注引無肉字蓋古本如是廣雅釋親云臆匈也正本許書射雉賦徐注云臆膺也本部膺卽訓匈則今本有肉字誤御覽三百七十一人事部引作匈骨又誤中之誤矣

𦞙 脅也从肉旁聲𦞙或从骨

濤案御覽三百七十一人事部引作膀兩脅膀也膀字當是衍文上文脅兩膀也此云膀兩脅也正許書互訓之例今本

奪兩字誤

 背肉也从肉每聲易曰咸其肱

濤案易咸卦釋文云肱鄭云背脊肉也說文同則是古本背下有脊字今奪易正義御覽三百七十五人事部引同今本乃是後人據今本妄刪子夏易傳在脊曰肱亦有脊字

 臂羊矢也从肉需聲讀若孺

濤案儀禮鄉射禮釋文云肱說文讀爲孺字禮記少儀釋文引臂羊犬讀若孺字是古本作讀若孺今本作孺誤臂羊犬三字亦不可解疑當作羊犬臂也今矢字更誤

 肱肱也从肉齊聲

海案一切經音義卷二十五廣韻十二齊皆引作𩚑齋蓋古
本如是旬部𩚑人齋也正與此互訓𩚑爲牛百葉非此之用
御覽三百七十一人事部引作肚齋許書無肚字乃傳寫之
誤

𩚑 腹下肥也从肉臽聲

海案止觀輔行傳四之三云肥𩚑者說文云腹下肉也蓋古
本肥字亦有作肉者一切經音義卷四卷十九卷二十引皆
作肥是今本亦不誤疑湛然所據非善本也支選七發七命
兩注引作腹下肥者是古本肥下有者字今奪

𩚑 𩚑 屍也从肉佳聲

濤案廣韻六脂引下有亦汾肱巨靈所坐也八字蓋古本之一解今奪

𦔻 股也从肉夸聲

濤案五經文字上云肱𦔻上說文下經典相承隸省是古本从𦔻不从夸今本作𦔻乃後人以隸變改篆文也

𦔻 髀也从肉父聲

濤案一切經音義卷十六卷二十引髀下皆有脰本曰股蓋古本有之今奪

脰 脰也从肉至聲

濤案一切經音義卷十八卷二十一皆引作脰脰也上文腳

脛也則脛卽是腳此處不應有腳字蓋傳寫誤衍非古本如是

又案一切經音義卷三引脛膾也下文腓訓脛膾膾訓腓腸則脛不訓膾亦疑傳寫有誤

 腓腸也从肉耑聲

濤案一切經音義卷三引無腓字乃傳寫偶奪非古本如是他卷引有腓字可證御覽三百七十二人事部所引亦同

 脛足大指毛也从肉亥聲

濤案一切經音義卷二引無毛字蓋古本如此莊子庖桑楚篇云膾者之有膾脛釋文云脛足大指也今本衍毛字誤

又案史記扁鵲倉公傳正義引顧野王曰胲指毛皮也今本玉篇作足指毛肉徐本說文當因此誤衍毛字

又案史記扁鵲倉公傳作咳不作胲集解曰咳音該正義作胲又引許慎曰胲軍中約也漢書藝文志五行奇胲師古亦引許慎云胲軍中約也此正言部該字之解與胲字無涉恐二書皆正作咳傳寫誤爲胲古从口从言之字皆相通正可據裴氏之音以訂顏張之誤


𠂔 肩也从肉由聲

𠂔 案廣韻四十九宥引作𠂔也蓋古本如是義得兩通

𠂔 振舟也从肉八聲

濤案六書故引唐本曰脹𠂔也从肉从八蓋古本不作八聲
惟許書無脹字脹卽𠂔字之別脹𠂔二字義不可曉當是傳
寫有誤

又案玉篇云𠂔振𠂔也段先生以爲當作振𠂔十部曰𠂔𠂔
𠂔布也振𠂔卽振動布寫之意竊意古本此文亦作振𠂔大
徐本誤𠂔爲𠂔小徐并奪此字戴氏當引唐本振𠂔以別於
徐本之振𠂔傳寫誤爲脹𠂔遂不可通安得善本六書故一
訂正之

𠂔也从肉絲聲一曰切肉𠂔也詩曰棘人𠂔𠂔兮

濤案廣韻二十八獮引切肉下無𠂔字蓋古本如是切肉爲

穢之一解不必更言穢矣。傅詩語亦當在一曰之上。

瘠

瘠也从肉聲。𠂔古文瘠从𠂔从束束亦聲。

瘠案一切經音義卷一引瘠瘦也。瘠亦薄也。卷十卷十五卷二十二引瘠瘦也。亦薄也。卷十一引瘠薄也。瘦也是古本有一曰薄也。四字瘠通作瘠。荀子禮論篇云送死不出厚不敬。文謂之瘠。注云瘠薄。又富國篇云若是則瘠。注云瘠奉養薄也。是瘠有薄義。

𦞦

𦞦𦞦也从肉垂聲。

濤案篇引作𦞦𦞦也。當是傳寫之誤。非古本如是。下文𦞦𦞦也。𦞦𦞦互相訓。

𩚑 贅也从肉尤聲𩚑籀文肱从黑

濤案一切經音義卷十六引贅也下有小曰肱大曰贅六字
蓋古本有之今奪

𩚒 創肉反出也从肉希聲

濤案一切經音義卷二十五引無創字蓋傳寫偶奪非古本
如是廣韻二十四炊引同今本可證

臘 冬至後三戌臘祭百神从肉𩚑聲

濤案後漢書明帝紀注引曰臘冬至後祭百神始皇更臘曰
嘉平蓋古本如此今本奪始皇以下七字玉篇引作冬至後
三戌爲臘祭百神也是今本又奪爲字也字其三戌臘三字

章懷節去非古本本無臘祭卽禮記注所謂以畋獵所得禽
祭也臘字必不可刪

臘楚俗以二月祭飲食也从肉裏聲一曰祈穀食新曰離臘

濤案此解今本奪誤殊甚御覽三十三時序部引曰臘楚十

二月祭飲食也一曰嘗新饔食曰臘臘初學記八州郡部

引曰冀州北部以字月朝作食爲臘祭漢書武帝紀曰太

初二年三月行幸河東祠后土令天下大酺五日臘五日祠

門戶比臘注引如淳曰臘音樓漢儀注立秋飜臘云云御覽

引此注尙有許慎曰俗以十二月祭飲食冀州北部或以八

月朝作飲當奪食字爲臘其俗語曰臘臘社伏云云此卽如氏引

說文以注漢書後漢書劉元注引前書音義冀州北部云云
其語略同章懷所引卽如氏之音義也續漢書禮儀志注引
風俗通曰楚俗常以十二月祭飲食也又曰當當作新始殺
食曰臘仲連書皆襲用說文可見今本之譌誤合諸書互
訂之古本當曰臘楚俗以十二月祭飲食也从肉婁聲一曰
嘗新始殺食曰臘臘冀州北部或以八月朝作飲食爲臘祭
其俗語曰臘臘社伏唐類範口部亦引作十二月

又案臘臘續漢禮儀志作臘劉後漢劉元傳注引前書音義

曰臘獸以立秋日祭獸王者亦以此日出獵用祭宗廟

案御覽此

條所引漢書注中許慎曰云云下有蔡邕曰臘獸常以立秋
日還食其母猛蟲搏鷙時王者亦以此臘還以祭廟臘劉殺

也言擊殺之時者也章懷
所引卽如滂引蔡邕語
是羴臠爲始殺之祭今本祈穀二
字謬誤顯然御覽饗食新三字亦傳寫之誤

𦔻裂肉也从肉从𦔻省

濤案六書故引唐本作列肉列裂義皆不可解桂大令曰當
作烈本書古文紫从隋省作𦔻紫者積柴加牲而燔之詩載
燔載烈傳云貫之加于火曰烈

𦔻啖也从肉爻聲

濤案初學記二十六服食部御覽八百六十三飲食部皆引
肴雜肉也蓋古本如此廣雅釋器肴肉也

一切經儀禮特牲
音義引

饋食注曰凡骨有肉曰𦔻
經典皆
通作𦔻文選典引蔡邕注肉曰肴

骨曰覈爰部殺从肴聲訓相雜錯是肴有雜義故曰雜肉止
觀輔行傳四三云肴菹也說文从肉者啖也似湛然所見本
與二徐同疑古本作一曰啖也二徐誤以別解爲正解耳

脬

牛羊曰肥豕曰脬从肉盾聲

濤案詩周頌釋文引羊曰肥豕曰脬當是傳寫奪一牛字

胡

牛頤垂也从肉古聲

濤案史記封禪書索隱引胡牛垂頤也蓋古本如是今本傳
寫誤例又一切經音義卷十引曰胡謂牛頤垂下者也當是
庾氏注語以釋垂頤之義頤卽頤字之別卷二十三引同無
謂字卷一卷二十四無者字

𦍋牛百葉也从肉𦍋省聲

清案五經文字云字書無屯字見春秋傳是唐本無屯篆應

刪

𦍋牛脅後髀前合革肉也从肉票聲

清案詩車攻公羊桓四年釋文皆引作脅後髀前肉也蓋古本如是車攻傳云故自左臑而射之達于右臑爲上殺則非專指牛矣合革二字亦不可解

𦍋血祭肉也从肉帥聲𦍋或从率

清案禮記祭義正義引臠血祭乃傳寫奪肉也二字非古本如是廣韻六術云臠說文音律桂大令曰疑古有讀若律三

字

𩚑 牛腸脂也从肉寮聲詩曰取其血𩚑𩚑𩚑或从勞省聲

濤案禮記祭義正義引膏牛腸閒脂也是古本多一閒字今
尊釋文引此作字林蓋呂與許同御覽八百六十四飲食部
引同今本疑後人據今本改

𩚑 薄脯膊之屋上从肉專聲

濤案初學記

部北堂書抄

部皆引作薄膊搏

之屋上蓋古本作搏不作膊釋名脯膊也乾燥相搏著也則
作搏爲是

𩚑 胃府也从肉完聲讀若患舊云脯

濤案初學記二十六服食部引府作脯蓋古本如此廣雅釋器脰脯也漢書貨殖傳濁氏以胃脯而連騎晉灼曰今太官常以十月作沸湯燂羊胃以末椒薑粉之暴使燥是也此字小徐本不誤舊云脯三字乃校書者之語集韻亦云胃脯可見大徐本府字之誤宋以後人皆知其非也

 脯挺也从肉句聲

濤案初學記

部引作脯脰挺古今字士虞禮饌籩豆

脯四脰注云古文脰爲挺則作挺爲是



北方謂鳥腊曰脰从肉居聲傳曰堯如腊舜如脰

濤案穀梁莊二十四年傳釋文引作堯腊舜始脰蓋傳寫之

誤也曰禮內則釋文引作爲義得兩通

有骨醢也从肉奠聲𩚑腴或从難

濤案五經文字云醢有骨醢也見禮經及周禮說文字林並作腴似張司業所見本無重文醢字

生肉醬也从肉延聲

濤案廣韻二仙但引肉醬二字乃陸孫所刪節非古本無生字也

戴角者脂無角者膏从肉旨聲

濤案止觀輔行傳七之三引作有角曰脂無角曰膏蓋古本亦有如是作者戴角字見大戴禮易本命篇他書所引皆作

戴角義得兩通也

𦞦 肉閒胘膜也从肉莫聲

濤案一切經音義卷二十引無胘字本部胘足大指毛也則與膜義不同蓋古本無此字今本誤衍洪編修亮吉轉以元應所引爲有脫字非也卷十八所引仍有胘字疑後人據今本改玉篇此字解亦無胘字

𦞦 小𦞦易斷也从肉絕省

濤案一切經音義卷十二卷十三皆引作少血易斷也蓋古本如是惟少血故易斷今本小𦞦二字乃形近而誤文選魏都賦注引作少𦞦易斷也當是本作少血後人據今本改血

爲𦣻耳


𦣻 𦣻易破也从肉𦣻聲

濤案文選七發注引𦣻𦣻易破也𦣻爲有骨之醢𦣻易破之義殊不可解卽𦣻易破亦頗難曉蓋𦣻𦣻本一字周禮小宗伯注曰今南陽名穿地爲𦣻聲如腐𦣻之𦣻釋文云字書無𦣻字但有𦣻字音十劣反今注本或作𦣻字者則與劉音清劣反爲協據此則元明所見說文等書有𦣻無𦣻文選七發前云甘𦣻肥𦣻後云溫滴甘𦣻明本一字崇賢魏都賦注所引亦與七發相同後人據誤本說文竄改非崇賢所據本與元明不同也

又案玉篇脆字引說文曰小更易斷也脆同上俗脆亦同上足徵臙脆爲一字

 雜肉也从肉敝聲

濤案一切經音義卷二引散雜也蓋元應有所節取非古本無肉字

 骨閒肉有骨箸也从肉从冎省一曰骨無肉也𩇛古文冎濤案莊子養生主釋文云冎說文作冎字林同云箸骨肉也一曰骨無肉也著骨肉云云乃元朗槩括節引非古本如是或字林之語如此下文又引崔云許叔重曰骨閒肉冎冎著也則與今本正同矣

補
腹

濤案老子道德經釋文引股赤子陰也是古本有股篆大徐
轉以入新附誤矣

筋部

筋
筋肉之力也从力从肉从竹竹物之多筋者凡筋之屬皆从
筋

濤案一切經音義二十一引肉之有力者曰筋蓋古本作筋
肉之有力者也今本刪有字者字詞義不完卷二十二仍引
肉之力曰筋當是傳寫誤奪


又案御覽三百七十五人事部引筋體之力也可以相連屬

作用也體當爲肉字之誤可以八字疑是頌氏注中語

刀部

刀剗刃也从刀𠂔聲𠂔籀文剗从𠂔从各

濤案文選聖主得賢臣頌注引剗剗刃也乃崇賢節去刀字非古本如是御覽三百四十五廣韻十九鐸皆引同今本可證

剗也一日析也从刀肖聲

濤案一切經音義卷十七引剗刀剗也蓋古本有刀字今奪元書卷十四御覽三百四十五兵部皆同今本非引書者節取則後人據今本改耳

劒 鎌也从刀句聲

濤案廣韻十九候引關西呼鎌爲劒也則今本奪此七字方
言云刈鉤自關而西或謂之鉤或謂之鎌或謂之鋏正許君
所本鉤當作劒

劒 劒劒曲刀也从刀奇聲

濤案御覽三百四十五兵部引劒劒曲刀也不重劒字亦不
作劒蓋古本如是二徐不知篆文連注之例而妄增之韻會
四抵引劒作劒是小徐本尙不誤御覽有注云劒居綺切劒
居衛切當是說文古音

劒 等畫物也从刀从貝貝古之物貨也劒古文則劒亦占文

則𠂔籀文則从鼎

濤案汗簡卷上之二𠂔則說文續添嚴孝廉曰續添者書名
大徐亦古文州一蓋皆出續添校者所續添字附記於古文
之旁而加亦以別之轉寫疑爲脫文因屏入云云濤謂說文
續添不見隋唐志而亦不類書名卽汗簡中亦僅此一見蓋
恕先刀部已出古尙書二則字於𠂔而又引說文制斷二古
文於前此字復綴於部末故謂之續添嚴孝廉以爲書名非
也

 斷齊也从刀耑聲

濤案一切經音義卷十一云制聲類作制說文制斷首也亦

截也蓋古本如此今本斷齊也乃斷首之誤又奪亦截也三字耳段先生曰首部斷首也亦截也剗上同攷錯本無剗上同之文然則許書首部有剗無剗刀部無剗後人以聲類之剗改首部之剗又移剗入刀部二徐本皆非古也此篆當刪瀆案今本首部鑿截也从首从斷剗或从刀專聲與先生所引不同先生書首部亦不如是作當屬記憶偶誤剗之與鑿形聲皆不相同似非重文之例蓋古本首部無重文剗卽剗字之別後人誤竄於彼當刪首之剗篆不當刪此部之剗篆也

𠂔 剗也从刀七聲

濤案華嚴經卷一音義曰說文云一切普也普卽徧具之義
故切字宜从十說文曰十謂數之具也有從七者俗也今本
說文無一切普也之語蓋上說文云當爲經文云之誤下說
文曰乃引許書慧苑見經文以一切爲普故謂切字宜從十
初不云說文切字从十也切从七聲從十者當時別字慧苑
轉以从七爲俗緇徒無識固無足怪或轉據此以爲說文古
本有从十者則更誤矣

又案廣韻十六屑引作折也乃古本一曰以下之奪文

又案一切經音義卷十九引作割也刊也是古本尙有割也
二字今奪

劓判也从刀畐聲周禮曰副辜祭編籀文副

濤案詩生民釋文引作分也下文判卽訓分蓋古本亦有如是作者義得兩通

劓判也从刀音聲

濤案一切經音義卷十六一引判下有分字乃傳寫誤衍非古本如是判卽訓分不必更言分也又一引仍作判也可證

劓判也从刀夸聲

濤案書泰誓正義引作刖也蓋古本如是禮內則云刖之刖之劓與刖義相近一切經音義卷九卷十四卷十五卷十六卷二十亦引作判是古本亦有如是作者

剝裂也从刀从录录刻割也录亦聲𠂔剝或从卜

濤案此解傳寫譌誤遂不可通書泰誓正義曰說文云剝裂也一曰剝割也下文割剝也割剝互相訓蓋古本作剝裂也从刀录聲一曰剝割也小徐本从刀录聲一曰六字尙不誤而誤剝爲刻又衍录字則與大徐同

剝刮去惡創肉也从刀番聲周禮曰剝殺之齊

濤案廣韻十四黠引無去字蓋傳寫偶奪非古本如是

𠂔刮也从刀𠂔省聲禮布刷巾

濤案一切經音義卷九引刮作拭蓋古本如是又部𠂔飾也飾卽今之拭字此字从刷省聲義略相近玉篇云刷拭也當

本許書文選吳都賦注引作括也疑卽拭字之誤然赭白馬賦注沈休文和謝宣城詩注爾雅釋詁釋文皆引同今本是古本亦有如是作者義得兩通

剡 砭刺也从刀票聲一曰剡劫人也

濤案史記酷吏傳索隱一切經音義卷十卷十一皆引剡刺也蓋古本無砭字今本誤衍索隱又引一云劫是古亦無剡人二字

𠂔 折傷也从力坐聲

濤案一切經音義卷二十一引剡斫也剡之訓斫見玉篇元應書他卷皆引同今本不應此處獨異又卷二十六度集第

五卷云剉之剉猶斫也說文折傷也別斫訓於說文之外則此卷乃傳寫誤玉篇爲說文非古本如是也

斫裁也从刀从未未物成有滋味可裁斷一曰止也斫古文制如此

濤案廣韻十三祭引無未字成字蓋傳寫奪一成字非古本無也物成有滋味乃許君釋所以從未之義未字不必復舉而成字必不可刪

斫皐之小者以刀以詈未以刀有所賊但持刀罵詈則應罰濤案初學記二十政理部引作罔言爲詈刀字詈爲罰罰之爲言內也陷於害也蓋古本如是此字从刀守詈猶伐字之

从人持戈飢之乏从人仰食

據一切經義引

今本改作从刀从罍

誤矣此解本春秋元命包廣韻十月引春秋元命包曰罔言爲罍刀罍爲罰罍言罔陷於害知初學記內字爲罔字之誤許君解字用緯書者甚多大半爲二徐所刪改幸有隋唐間類書所引可證或以爲徐氏本引元命包傳寫誤作說文更誤矣

又案初學記又引注云罍以刀守之則不動矣今作罍用寸寸丈尺也此蓋卽庾氏說文注語

又案一切經音義卷一卷六卷十四皆引罪之小者曰罍蓋古本作一曰罪之小者曰罍云云二徐刪去刀守罍之訓遂

以一解爲正解耳

劓刑鼻也从刀臬聲易曰天且劓臬或从鼻

濤案一切經音義卷十五卷十九卷二十一皆引作決鼻也蓋古本如是決鼻猶言缺鼻御覽天部引詩推度災曰穴鼻始萌宋均注穴決也決鼻免也蓋亦言免之缺鼻小徐本作作刖鼻與決聲相近大徐作刑鼻則誤矣卷二十一又有割也二字其古本之一解乎

契也从刀尖聲券別之書以刀判契其旁故曰契券

濤案以刀判契云云御覽五百九十八文部引作以刀刻其旁故曰契也一切經音義卷十三引作以刀判其旁故曰契

也止觀輔行傳七之四引作以刀判其旁故謂之契三引小有異同然可見古本判下總無契字契下總無券字

補
劒

濤案文選北征賦注王粲詠史詩注陸機苦寒行注皆引劒甚也是古本有劒篆大徐轉以入新附誤矣

刃部

刃刀堅也象刀有刃之形凡刃之屬皆从刃

濤案徐鍇說文祛妄引刃刀之堅利處象有刃之形蓋古本如是刃本取其利非徒取其堅刀堅二字語不明了象下又添一刀字皆誤

耒部

耒手耕曲木也从木推土古者垂作耒耜以振民也凡耒之屬皆从耒

濤案易繫辭釋文云爲耒京云耜上句木也說文云耜曲木垂所作後漢書列女傳注引耒耜曲木四字皆槩括節引非古本如是然手耕二字古本當作耜字耜之曲木爲耒卽京君明所謂耜上句木禮記月令注曰耒耜之上曲也許鄭之說正同二徐疑耜曲木三字爲不詞故妄改如此耜卽耜字之別廣韻十八隊引作耕曲木也蓋陸氏書本作耜曲木也後人習見今本說文以爲耕字之誤而妄改之耳文選潘岳

河陽縣作詩注引同今本亦後人據今本改

耕犁也从耒井聲一曰古者井田

濤案齊民要術卷一引作耕種也蓋六朝本如此止觀輔行傳宏決一之四引耕犁也是唐本已與今本同矣輔行傳又引云人曰耕牛曰犁此六字今本奪

耜 帝藉千畝也古者使民如借故謂之藉从耒昔聲

濤案初學記十四禮部引籍田者天子躬耕使人如借故謂之籍是古本有籍田者天子躬耕七字今奪民作人避唐諱耜除苗間穢也从耒員聲耜耜或从芸

濤案御覽八百二十三資產部引苗間作田間蓋古本如此

賴與𦵏字義相近𦵏爲拔去田艸賴爲除田閒穢則知作田者爲是今本乃字形相涉而誤

角部

𦵏獸角也象形角與刀魚相似凡角之屬皆从角

濤案一切經音義卷二云角力古文𦵏同古卓反禮記習射御角力廣雅角量也高誘注呂氏春秋云角試也月令角斗甬說文平斗斛也並單作角卷二十二卷二十四所言略同皆引說文角平斗斛也與今本大異蓋古本此字之一解平斗斛爲斗部𦵏字之訓許書字不同而訓詁相同者甚多二徐妄刪此解誤矣元應書卷十四引說文云𦵏平斗斛也乃

後人據今本說文妄爲校改原書當與他卷相同他卷並單作角四字尤爲明顯可證今本廣雅亦作斛量也可見角與斛字古訓相同古本當在相似下有一曰角平斗斛也七字

𠂔 一角仰也从角刂聲易曰其牛𠂔

濤案易睽卦釋文云掣說文作𠂔云角一俯一仰子夏作𠂔傳云一角仰也是古本作角一俯一仰也今本乃以元朗別引于夏傳之解以改許氏之書謬矣下文觥角一俛一仰也疑當作一角仰也釋文引荀作觥雖不言何訓疑與子夏傳同二徐說文二解互易耳爾雅釋觥角一俯一仰觥皆踊𠂔與許不同或傳寫有誤